



Lescha forestala

C u n t e g n

I. Disposiziuns generalas	4
Art. 1 Intent	4
Art. 2 Principi	4
II. Administraziun	4
Art. 3 Organisaziun	4
Art. 4 Administraziun e survigilanza	4
Art. 5 Suprastonza communal	4
Art. 6 Gerau dil forestalessen	5
Art. 7 Selvicultur da revier / menader da menaschi	5
III. Cultivaziun digl uaul	5
Art. 8 Finamira	5
Art. 9 Program annual	5
Art. 10 Segirtad da lavur	5
Art. 11 Protecziun dalla lenna	5
Art. 12 Infrastructura	5
Art. 13 Diever dallas vias d'uaul	5
IV. Products forestals e prestaziuns forestalas	6
Art. 14 Commercialisaziun	6
Art. 15 Vendita da lenna	6
Art. 16 Consum intern	6
Art. 17 Lenna da brisch/sort	6
Art. 18 Lenna manecla	6
Art. 19 Pigneuls, dascha per cuvierer	6
Art. 20 Prestaziuns d'economia collectiva	6
V. Protecziun encunter donns	6
Art. 21 Pasculaziun	6
Art. 22 Fiug	7
Art. 23 Campar	7
VI. Disposiziuns penelas	7
Art. 24 Cumpetenzza	7
Art. 25 Multas	7
Art. 26 Scadenza, mieds legals	7
Art. 27 Obligaziun da denunziar	7
VII. Annexa	7
Art. 28 Prezi	7

Art. 29 Damondas e termins	7
Art. 30 Pinar e transport	7
Art. 31 Termin da menar naven la lenna	8
Art. 32 Reclamaziuns	8
Art. 33 Surdada	8
Art. 34 Termin da consigna	8
VIII. Disposiziuns finalas	8
Art. 35 Abrogaziun	8
Art. 36 Approbaziun e vigur	8

Sebasond sin la legislaziun cantunala d'ual relai la vischnaunca da Sumvitg las suandon-
tas prescripziuns:

I. Disposiziuns generalas

Art. 1 Intent

La lescha forestala regla l'organisaziun, las incumbensas e las obligaziuns dil survetsch forestal dalla vischnaunca.

Art. 2 Principi

¹ Ils uauls da vischnaunca dueien saver ademplir lur funcziuns da protecziun, d'utilisaziun e dil beinstar public a moda durabla.

² Tier la cultivaziun digl uaul da schurmetg ha il gudogn economic buc emprema prioritad.

II. Administraziun

Art. 3 Organisaziun

La vischnaunca meina in agen survetsch forestal. Ella sa collaborar per ademplir sias incumbensas cun autras vischnauncas en fuorma da corporaziuns da vischnauncas.

Art. 4 Administraziun e survigilanza

L'administraziun e la survigilanza dils uauls communalis ein caussa dalla suprastonza communal. In commember dalla suprastonza ei responsabels per ils fatgs forestals.

Art. 5 Suprastonza communal

¹ La suprastonza communal ei responsabla pil manteniment e per la cultivaziun convergenta dils uauls communalis. Ella

- a) fixescha las directivas dalla politica forestala dalla vischnaunca,
- b) elegia il selvicultur da revier,
- c) relai la descripziun dalla piazza e fixescha ils duers e las cumpetenzas dil selvicultur da revier,
- d) fa il preventiv ch'includa il program annual ed approbescha quel,
- e) survigilescha la gestiun dil menaschi,
- f) engascha ils luvriers d'ual e fixescha las cundiziuns da survetsch,
- g) ei responsabla per la vendita da lenna,
- h) surdat lavurs che survargan las cumpetenzas dil selvicultur da revier,
- i) surdat ensemen cul selvicultur da revier las lavurs ch'ei el preventiv, el program da lavur annual ed ein finanzialmein en cumpetenza dalla suprastonza communal cun resalva da situaziuns tenor art. 11 dalla presenta lescha,

k) punescha surpassaments digl uorden forestal communal.

² Sch'ei vegn tractau ellas sedutas dalla suprastanza communal fatgs digl uaul, ei il selvicultur da revier d'envidar cun vusch consultativa.

Art. 6 Gerau dil forestalessar

Il gerau dil forestalessar:

- a) promova l'economia forestala e la commercialisaziun dalla lenna en vischnaunca,
- b) representa ils interess forestals en suprastanza communal ed avon la populaziun,
- c) pren part allas uatgas forestalas,
- d) fa las propostas per surdar las lavurs forestalas ch'ei buca el preventiv e program da lavur.

Art. 7 Selvicultur da revier / menader da menaschi

Il selvicultur da revier meina il menaschi forestal tenor las disposiziuns executivas dil Cantun e las directivas communalas.

III. Cultivaziun digl uaul

Art. 8 Finamira

Ils uauls communalas ein da cultivar tenor las disposiziuns fixadas en la planisaziun forestala.

Art. 9 Program annual

Las lavurs sedrezzan tenor il program annual approbau e tenor il preventiv.

Art. 10 Segirtad da lavur

Lavurs d'uaul astgan vegnir exequidas sulettamein da luvriers scolai corrispudentamein e sulettamein observond las disposiziuns davart la segirtad da lavur digl ISAA (SUVA). Lavurs a tiazas persunas astgan vegnir surdadas ultra da quei sulettamein observond l'obligaziun necessaria d'agir cun quita.

Art. 11 Protecziun dalla lenna

Leu, nua ch'igl ei necessari per motivs fitosanitars (malsogna) e per segirar la qualidad, sto la lenna vegnir allontanada immediat ord igl uaul u vegnir tractada a moda cumpetenta.

Art. 12 Infrastructura

Per cultivar ils uauls communalas eis ei da crear in'infrastructura cunvegnetta ch'ei da mantener en in bien stan.

Art. 13 Diever dallas vias d'uaul

Il diever dallas vias d'uaul succeda tenor la lescha da traffic dalla vischnaunca da Sumvitg che sebase sin la lescha d'uaul cantunala e federala.

IV. Products forestals e prestaziuns forestalas

Art. 14 Commercialisaziun

La vischnaunca commercialisescha ils products forestals e las prestaziuns forestalas il meglier pusseivel. Ella sa sustener associaziuns cun las medemas finamiras.

Art. 15 Vendita da lenna

La vendita dalla lenna vegn fatga tenor ils principis dallas „usanzas commercialas per la vendita dalla lenna svizra“.

Art. 16 Consum intern

La lenna da diever e da brisch che vegn duvrada per baghetgs communalas vegn messa a quen pil prezi da fiera.

Art. 17 Lenna da brisch/sort

La suprastanza communal decide davart las cundiziuns da vendita da lenna da brisch/sort. Ei valan las prescripziuns ell'annexa.

Art. 18 Lenna manecla

Sco lenna manecla valan lenna secca sidretg u lenna per tiara cun meins che 16 cm diameter en l'altezia dil pèz, sco era roma, scorsa, restonzas da tagli e tocca libra. Il dretg da rimnar lenna manecla ha tgi ch'ei en possess d'ina lubientscha dil selvicultur da revier.

Art. 19 Pigneuls, dascha per cuvierer

¹ Ils pigneuls e la dascha per cuvierer astgan vegnir tagliai sulettamein sut survegionza forestala. Il selvicultur da revier mira ch'ei vegni pinau e consignau en uorden e cunvegnentamein.

² Pignola da Nadal astga sulettamein vegnir retratga sin pastiras ni en uauls ordeifer igl uaul da schurmetg. Sin damonda sa il selvicultur da revier conceder lubientschas excepziunalas da retrer pignola en ulteriurs loghens.

Art. 20 Prestaziuns d'economia collectiva

Ils cuosts per las prestaziuns d'economia collectiva ein da cumprovar e da metter ton sco pusseivel a quen als gudiders. Tut ils recavs per las prestaziuns d'economia collectiva e per utilisaziuns secundaras dueien vegnir secrets dabien al quen forestal.

V. Protecziun encunter donns

Art. 21 Pasculaziun

L'utilisaziun dils uauls sut pasculaziun ei da reglar en cunvegnientscha cul survetsch forestal en reglaments da pasculaziun u en projects per separar igl uaul e la pastira.

Art. 22 Fiug

Far fiug ei sulettamein lubiu en las fueinas ufficialas. Sin igl ulteriur territori d'uaul eis ei scumandau da far fiug.

Art. 23 Campar

Igl ei scumandau da campar egl uaul. Davart excepziuns decida la suprastanza communal.

VI. Disposiziuns penalas

Art. 24 Cumpetenzza

La suprastanza communal ei cumpetenta per tuts surpassaments encunter la lescha forestala, aschilunsch che quels ein buca suttamess alla cumpetenzza d'ina outra istanza.

Art. 25 Multas

Ils surpassaments encunter questa lescha forestala vegnan puni cun multas da frs. 100.-- entochen 5'000.--, ultra dall'obligaziun da surprender l'indemnisaziun cumpleina dil donn.

Art. 26 Scadenza, mieds legals

¹ Las multas e l'indemnisaziun dil donn ein da pagar alla cassa communal enteifer 30 dis suenter la consignaziun dalla disposiziun dalla multa.

² Encunter las multas dadas dalla suprastanza communal ha il puniu il dretg da recuorer tier la dertgira administrativa dil cantun Grischun enteifer 30 dis.

Art. 27 Obligaziun da denunziar

Las personas ufficialas ein obligadas da denunziar ils surpassaments.

VII. Annexa

Art. 28 Prezi

Ils prezis per la lenna da brisch/sorts vegnan fixai annualmein dalla suprastanza communal.

Art. 29 Damondas e termins

Damondas per obtener lenna da brisch ein d'inoltrar al selvicultur da revier tenor publicaziun el Fegl ufficial dalla Surselva.

Art. 30 Pinar e transport

La vischnaunca ei responsabla pil pinar e pil transport dalla lenna da brisch entochen la piazza da vendita.

Art. 31 Termin da menar naven la lenna

Lenna ch'ei buca vegnida menada naven enteifer 30 dis dil datum da quen croda senza restituziun alla vischnaunca. Sin damonda sa il selvicultur da revier prolunghir il temps.

Art. 32 Reclamaziuns

Eventualas reclamaziuns concernent quantidad e qualidad ein da far a scret avon che la lenna vegn menada naven, sil pli tard denton 15 dis suenter la repartiziun e quei agl uffeci forestal da revier. Suenter quei termin croda, cun excepziun da munglaments zuppai, la responsabladad dalla vischnaunca.

Art. 33 Surdada

La surdada succeda en fuorma da lenna rodonda sper vias d'uaul carrablas ni tenor publicaziun el Fegl official Surselva. Sch'il retschevider giavischa che la lenna vegni cavigliada e furnida a casa, succeda quei pils cuosts effectivs.

Art. 34 Termin da consigna

Il termin da consigna vegn fixaus dil selvicultur da revier e communicaus als retscheviders.

VIII. Disposiziuns finalas

Art. 35 Abrogaziun

Questa lescha remplazza il reglament forestal dils 6 d'avrel 1998.

Art. 36 Approbaziun e vigur

Questa lescha ei vegnida approvada entras la radunonza communal dils 12 da zercladur 2024 e passa immediat en vigur.

Il president communal

sig. Patrick Schaniel

Il canzlist communal

sig. Fabian Collenberg